



Konneksiegroep

Geld, Mag en Seks

Deel 6:

1 Joh 2:15-17 (53)

Moenie die wêreld liefhê of die dinge wat in die wêreld is nie ... die **begeerlikheid van die VLEES (seks)** en die **begeerlikheid van die OË (geld)** en die **grootsheid van die lewe (mag)** ... is uit die wêreld. En die wêreld gaan verby en sy begeerlikheid, **maar hy wat die WIL van God doen, bly vir EWIG.**

Konneksiegroep:

- Kies **EEN AAND** 'n week om julle konneksiegroep te hou.
- Vra elke lid van jou konneksiegroep om hulle Bybel saam te bring.
- Indien julle wil kan julle weer saam **nagmaal** gebruik.

WELKOM

Verwelkom: Verwelkom elke groepsid

Ysbreker: Kies een van die volgende onderwerpe en gesels daaroor:

- a) Wat is 'n reël of grens wat jou ouers in die huis gestel het toe jy grootgeword het wat jy destyds gehaat het, maar nou heeltemal verstaan en waardeer?
- b) As jy eerlik moet wees, watter moderne afleiding of tegnologie vat te veel van jou tyd of aandag in beslag?

WOORD

Gebed:

Open met gebed. (Gee almal 'n geleentheid)

Lees:

KERNTEKSE VIR VANDAG:

2 Sam 11:1-2 (83)

In ... die tyd waarin die **konings gewoonlik optrek om OORLOG te maak**, het Dawid ... **in Jerusalem AGTERGEBLY ... Van die dak af het hy 'n vrou sien bad. Sy was 'n baie mooi vrou.**

2 Sam 11:4 (83)

Dawid het toe **ampnare GESTUUR en haar laat HAAL ...** Sy het na hom toe gekom, en hy het **by haar geslaap.**

2 Sam 11:27 (83)

Sy het sy vrou geword en vir hom 'n seun in die wêreld gebring. **Maar wat Dawid GEDOEN het, was VERKEERD in die oë van die Here.**

2 Sam 12,13 (83)

So sê die Here: Van nou af gaan Ek **uit jou eie huis ELLENDE oor jou bring...** Toe sê Dawid vir Natan: **"Ek het GESONDIG teen die Here."** En Natan sê vir hom: **"Die Here het jou sonde VERGEWE: jy sal nie nou sterwe nie.**

Gesels in julle Konneksiegroep oor die volgende:

In hierdie reeks leer ons van die verskil tussen God se wêreld en die wêreld se wêreld. Ons kyk ook na die **leuen van eienaarskap** en die **waarheid van rentmeesterskap.**

Vandag fokus ons spesifiek op "die begeerlikheid van die vlees", wat in ons moderne kultuur baie sterk aan seksualiteit en wellus gekoppel is.

God het seks geskep as iets pragtigs en heilig – 'n intieme band wat bedoel is vir die veilige omgewing van die huwelik. Die wêreld, daarenteen, het hierdie geskenk verdraai na iets selfsugtig, toevallig en onversadigbaar.

Wanneer ons weer na die verhaal van Dawid en Batseba kyk, sien ons hoe vinnig 'n mens aan die vlees kan toegee. Dawid se sonde het nie in die slaapkamer begin nie; dit het begin toe hy op die verkeerde plek was, en toe hy *gekyk* het en bly kyk het. Sy magsgewilde het hom in staat gestel om sy wellus uit te voer, maar dit was die begeerlikheid van die vlees wat die oorsaak van sy val was.

Ons leer egter ook dat daar altyd hoop, genade en vergifnis by God is wanneer ons onself verootmoedig en ons sonde bely, net soos Dawid gedoen het nadat Natan hom gekonfronteer het.

Lees weer Vandag se tekse en gesels daaroor:

a) Die wêreld probeer ons oortuig dat grense rondom seksualiteit "outyds" is en dat absolute seksuele vryheid tot geluk lei. Hoekom glo ons as Christene dat God se grense rondom seks (binne die huwelik) eintlik daar is om ons te beskerm en aan ons ware vryheid en heelheid te gee?

b) Jesus sê in Matteus 5:28 dat elkeen wat na 'n vrou kyk om haar te begeer, reeds in sy hart met haar egbreuk gepleeg het. Ons word vandag konstant gebombardeer met seksuele beelde op sosiale media, TV, reekse en die internet. Wat is praktiese maniere of verdedigingslinies (grense) wat ons in ons eie lewens (en in ons gesinne) kan instel om ons oë, gedagtes en harte rein te hou teenoor die dinge van die wêreld?

WORSHIP

Aanbidding - <https://woordenlewe.com/connect-worship/>

Maak tyd om vandag God te aanbid, gebruik die playlist wat op ons Woord en Lewe webwerf is onder Connect, of gebruik die aanbidding wat Sondag tydens die diens gedoen was.

WERKE en vrae:

Gebruik nou Nagmaal saam as Konneksiegroep:

Liefde vir God, Liefde vir Mense

As Konneksiegroep spandeer net so 5 minute voor julle verdaag in stilte en elke lid beantwoord vir homself/haarself die vrae hieronder. Skep 'n rustige atmosfeer en laat toe dat die Here met elkeen afsonderlik praat.

- Bely voor die Here enige areas waar jy toegegee het aan die begeerlikheid van die vlees.
- Waar het jy dalk toegelaat dat jou gedagtes of optrede onrein raak of afdwaal?
- Vra die Here om jou te help om foute en sondes eerlik voor Hom te bely. Dank Hom vir Sy getrouheid om, net soos by Dawid, met onmeetbare genade en vergifnis te reageer wanneer ons opreg na Hom toe draai.

LIEFDE VIR GOD & LIEFDE VIR MENSE